

Bosna i Hercegovina
Hercegovačko-neretvanski kanton
Federacija Bosne i hercegovine
OPĆINA PROZOR-RAMA

Služba za opću upravu i društvene djelatnosti

88 440 Prozor-Rama, Kralja Tomislava b.b., tel./fax.: +387 36 771 910; 771 342; email: opcauprava@prozor-rama.org

Broj: 02/2-30-894/25

Prozor, 22.05.2025.

**OPĆINSKO VIJEĆE
PROZOR-RAMA**

Predmet: Informacija o stanju u oblasti primarne zdravstvene zaštite građana na području općine Prozor-Rama, dostavlja se.-

Poštovani,

U pritvku akta vam dostavljamo informaciju o stanju u oblasti primarne zdravstvene zaštite građana na području općine Prozor-Rama u 2024. godini od JZU Dom zdravlja „Rama“, broj: 155/25 od 01.04.2025. i JZU Dom zdravlja „Prozor“-Šćipe, broj: 1-48/25 od 20.05.2025.

S poštovanjem!

Dostavljeno:

-Naslovu

- a/a

PO OVLAŠTENJU NAČELNIKA

Kata Stojanović, dipl. iur.



Bosna i Hercegovina

Federacija Bosne i Hercegovine

Hercegovačko-neretvanski kanton

Općina Prozor-Rama

Dom zdravlja "Prozor"-Šćipe

Bosna i Hercegovina FEDERACIJA BOSNE I HERCEGOVINE HERCEGOVAČKO-NERETVANSKA ŽUPANIJA OPĆINA PROZOR-RAMA		
Primljeno	22. 05. 2025.	
Oznaka	Broj	Priloga

Broj:1-48/25

Datum:20.05.2025.god.

Služba za opštu i društvenu djelatnost Općina Prozor-Rama

PREDMET;Izvještaj o radu za 2024 godinu

Poštovani ,ovim izvještajem ću vas ukratko upoznati o našem radu kroz određene službe ,strukturu zaposlenih te finansijske pokazatelje.

Naša ustanova se bavi PZZ te obavlja zakonom predviđenu djelatnost u skladu sa postojećim mogućnostima ,a koji se tiču kadrovske strukture ,postojeće opreme i finansijskih sredstava.Naš rad se obavlja kroz slijedeće službe u dvije ambulante,Šćipe i Tošćanica.

- Porodična medicina,
- Hitna medicinska služba
- Laboratorijska dijagnostika
- Neuropsihijatrijska služba

Trudimo se da naš rad bude na zadovoljstvo krajnjeg korisnika odnosno zdravstvenog osiguranika,da je stručan i pravovremen.Dugi niz godina broj i struktura zaposlenih je nepromjenjen .

- specijalista neuropsihijatrije
- diplomirani ekonomista-samostalni certificirani računovođa
- viši medicinski tehničar fizijatrijskog smjera
- 4(četiri) medicinske sestre opšteg smjera
- jedan službenik
- jedan vozač

Posljednjih nekoliko godina ,tačnije od vremena pandemije Covid 19,prisutne inflacije, primjetan je lošiji treman svih ustanova PZZ pa i nas ,a koji se odnose na finansiranje i ispunjavanje zahtjeva i obaveza iz potpisanih kolektivnih ugovora prema uposlenicima I državi.

Vama je poznato da se mi isključivo finansiramo ugovornim odnosom sa ZZO HNK ,u 2024 godini ukupna finansijska sredstva su iznosila 27100 KM mjesečno ,što je nedovoljno za ispunjavanje osnovnih obaveza zdravstvene ustanove .

U toku prešle godine imali smo oko 2850 ljezerskih pregleda kroz sve navedene službe,te oko 22450 različitih usluga.

Ponovno naglašavam da je kroz naš rad uočena povećana stopa morbiditeta i mortaliteta od autoimunih bolesti i malignoma što je ozbiljan javnozdravstveni problem.Velika udaljenost od bolničkih ustanova ,naglašeno lošiji tretman od strane viših nivoa vlasti je dodatna otežavajuća okolnost i problem koji nismo u stanju riješiti samostalno na adekvatan način.Nezainteresovanost ljezerskog I srednjeg medicinskog kadra da rade na ovom prostoru je evidentna, te će u skorije vrijeme predstavljati ozbiljan otežavajući faktor.

U nadi da će viši nivoi vlasti iznaći optimalan način da se zdravstveni sistem, sve ustanove organizuju na pravi način ,a na zadovoljstvo korisnika zdravstvenih usluga ispunjavajući osnovne postulate iz zakona o zdravstvenoj zaštiti mi ćemo se truditi da budemo na usluzi našem narodu.

Kao lokalnu zajednicu vas molim ponovo da u skladu sa vašim ovlastima i mogućnostima iskažete neophodnu volju da naš rad pomognete izdvajajući određena neophodna finansijska sredstva.

U svoje ime i u ime uposlenika želimo vam puno sreće i uspješan rad u profesionalnom i privatnom životu.

Dostavljeno:

-naslovu

-a/a



DIREKTOR
Dr.Ušćuplić Mustafa

Bosna i Hercegovina
Federacija Bosne i Hercegovine
Hercegovačko-neretvanska županija/kanton
DOM ZDRAVLJA „RAMA“
PROZOR-RAMA
Br.155 /25
Datum: 01.04.2025. godine
Tel: 036/770 303, fax:036/770 125
e-mail:ramadomzdravlja@gmail.com

Bosna i Hercegovina FEDERACIJA BOSNE I HERCEGOVINE HERCEGOVAČKO-NERETVANSKA ŽUPANIJA OPĆINA PROZOR-RAMA		
Primijeno: 01.04.2025.		
Oznaka	Broj	Priloga

Općina Prozor - Rama
Služba za opću upravu i društvene djelatnosti

Predmet: Informacija o stanju u oblasti primarne
zdravstvene zaštite građana u 2024. godini

Temeljem Vašeg dopisa broj 02/2-30-894/25 od 25.03.2025. godine dostavljamo informaciju o stanju u oblasti primarne zdravstvene zaštite građana u Domu zdravlja „Rama“ u Prozoru za 2024. godinu.

Primarna zdravstvena zaštita obuhvaća praćenje zdravstvenog stanja stanovnika i provođenje mjera za zaštitu i unapređenje zdravlja stanovnika, prevenciju, liječenje i rehabilitaciju bolesti i povreda, otkrivanje i suzbijanje faktora rizika masovnih nezaraznih bolesti, specifičnu preventivnu zdravstvenu zaštitu mladih, naročito u osnovnim i srednjim školama, imunizaciju protiv zaraznih bolesti, liječenje i rehabilitaciju u kući kao i palijativnu njegu.

Dom zdravlja pruža usluge primarne zdravstvene zaštite kroz timove obiteljske medicine, laboratorijsku dijagnostiku, službu za radiologiju, higijensko-epidemiološku službu, službu za zaštitu žena, stomatološku službu, pedijatrijsku službu, fizikalnu medicinu, službu za hitnu medicinsku pomoć kao i službe u zajednici.

U našoj ustanovi osigurana je i specijalističko-konzultativna djelatnost, koju uz specijaliste Doma zdravlja pružaju i specijalisti drugih ustanova, a u skladu s ugovorom sa Zavodom zdravstvenog osiguranja HNŽ/K.

Dom zdravlja upošljava 11 doktora medicine i 4 doktora stomatologije. Od ukupno 11 liječnika 8 je specijalista određenih grana medicine, a 2 liječnika su trenutno na specijalizaciji:

- 2 specijalista obiteljske medicine
- 1 specijalist interne medicine (završen PAT) – subspecijalizant iz kardiologije
- 1 specijalista pedijatrije (završen PAT)
- 1 specijalist za bolesti uha, nosa i grla (završen PAT)
- 1 specijalist ginekologije
- 1 specijalist medicinske radiologije
- 1 specijalist medicine rada i sporta
- 2 specijalizanta (ginekologija i opstetricija, te fizikalna medicina i rehabilitacija)
- 1 liječnik opće prakse

Od 4 stomatologa uposlana u Domu zdravlja jedan je specijalist ortodoncije.

Pored stalno uposlenih liječnika, imamo i 6 vanjskih suradnika specijalista:

- specijalist ortopedije,
- specijalist psihijatrije,
- specijalist oftalmologije,
- specijalist pulmologije,
- specijalist kirurgije i
- specijalist fizijatrije.

Suradnici su angažirani radi poboljšanja zdravstvene zaštite u našoj ustanovi kako pacijenti ne bi morali odlaziti na pregled u SKB Mostar.

Hitna medicinska pomoć je organizirana kroz turnuse medicinskih tehničara i vozača te dežurstva liječnika. Uz to postoji i 24-satna pripravnost laboratorijske i radiološke službe.

U sastavu Doma zdravlja „Rama“ su i 4 sektorske ambulante (Orašac, Rumboci, Uzdol i Gračac).

U 2024. godini je 7 medicinskih sestara/tehničara obavilo dodatnu teoretsku edukaciju iz zdravstvene njege u zajednici, dok je praktični dio i završni ispit planiran do kraja 5. mjeseca ove godine. Nakon završetka edukacije planira se provoditi patronažna njega pacijenata kao posebna služba u Domu zdravlja.

Dom zdravlja „Rama“ vrši i cijepljenje djece, koje je organizirano tako da se roditelji sa djecom naručuju i pozivaju po planiranom rasporedu, a zbog izbjegavanja nepotrebnih gužvi i čekanja. U prethodnoj godini cijepljeno je **482** djece.

Dom zdravlja obavlja i sistematske preglede djece pri upisu u prvi razred, kao i sistematske preglede djece i omladine koji su članovi sportskih klubova u našoj općini.

Do kraja 2024. godine je obavljeno je sljedeći broj pregleda:

- služba obiteljske medicine - **29 457** posjeta liječniku
- služba HMP – **7 536** pregleda pacijenata i **5721** usluga ostalih zdravstvenih djelatnika, obavljeno je **218** hitnih medicinskih transporta
- **948** kućnih posjeta.

Laboratorij Doma zdravlja svakodnevno radi velik broj laboratorijskih pretraga, dok se dijagnostički nalazi koji spadaju u sekundarnu zdravstvenu zaštitu rade u laboratoriju SKB Mostar. U našoj ustanovi je organizirano uzimanje uzoraka i njihov transport u SKB Mostar kako bi našim pacijentima, pogotovo onim s malignim bolestima smanjili poteškoće putovanja kao i dodatne troškove.

Do kraja 2024. godine u laboratoriju je registrirano **5 917** pacijenata, a urađeno je ukupno **143 890** analiza.

Služba za zdravstvenu zaštitu žena je u ovom periodu uradila **248** PAPA briseva, pretrage koje se rade u svrhu prevencije karcinoma maternice.

Od 20.05.2024. godine imamo i kardiološku ambulantu. Urađeno je **233** UZV srca, **412** pregleda kardiologa, **23** Holtera, te **111** ergometrija.

Radiološka služba je evidentirala **2495** pacijenata i uradila **5446** usluga. Urađeno je **115** mamografija, od kojih je većina u sklopu **Programa ranog otkrivanja raka dojke pokrenutog od strane Ministarstva zdravstva.**

Na odjelu fizikalne medicine i rehabilitacije pregledano je **900** pacijenta, od toga prvih pregleda **550**, a naše djelatnice su odradile **2000** kineziterapija i **2077** fizioterapija. Jedna djelatnica fizikalne medicine je ovih dana završila osnovni neurorazvojni Bobath tečaj tako da se počinju raditi i Bobath terapije.

Što se tiče preventivnih pregleda branitelja i u 2024. godini je potpisan **Sporazum s Ministarstvom branitelja HNŽ/K**, međutim odaziv na preglede je bio slab. Pregledano je tek par pripadnika navedene populacije.

Zavod zdravstvenog osiguranja HNŽ/K je za 2025. planirao sredstva za upošljavanje logopeda u zdravstvene ustanove, tako da smo i uposlili istoga, te se od 10.03.2025. počelo sa pružanjem usluga logopedije.

V.d. ravnatelja:
Dr. Boris Faletar

